

اداره مدیری : قلبلی

محمد زهنی

اشترا بلی :

برسنه لکی ۹۵ ، آلتی آیلنی ۵۴ غروشددر .

پوسته اتحادینه داخل ممالک اجنبیه ایچون قرق فرانقدر .

ABONNEMENT

un an : 95 piastres six mois 54 p.

Union postale : un an, 40, six moi, 25 Fr.

Rédaction : Constantinople, Djagal oglou



سر محرر : شهبندر زاده قلبلی

احمد حلمی

محل اداره سی :

جفال اوغلنده « حکمت » اداره خانه سیدر .

حقه مقرون ، اغراضدن سالم افکار ومقالاته صحیفه لرمن آجیقدرد .

«HIKMET»

Journal turc, quotidienet politique

DIRECTEUR-PROPRIETAIRE :

A. HILMY CHEHBENDER

نسخه سی : ۱۰ پاره در

حقه خادم یوی غزته در

نسخه سی : ۱۰ پاره در

مقبول برشی عداولونسون . وامتزکه اکثریت ملیه کتله سی بر قسم وطنداشلرینک اوپله بر اتمام آئنده قالدیقنی نظر نمونیتله کورمن .

دورت سنه لک اداره مشومه ، ارکان اتحادک [دیگر خفی ساققلر طرقدن اچاله اولوندیقنی] بر مجموعه خطاسی می در ؟ یوقسه قصداً وتعمداً تطبیق ایدلش [وحالامکن اولسه تطبیق ایده جکلری] برمنظومه فکریه می در ؟ بوسؤلک جوابی کچن کونکی قونفرانسنده جاوید بک وردی . دیدی که :

« اتحاد و ترقی یالکزمای ده یایدقلمری

ایله دکل ، شودرت سنه ظرفنده بومملکتنده

یایدیقنی بوتون اجرا آتیه مفتخردر . »

شیمدی بوتون ملت ، اتحاد و ترقی منسو .

ییتندن اولان وطنداشلرینه شوسؤللری صورقم

اضطرارنده در .

۱ — بوراده کی « اتحاد و ترقی » کله سندن

مراد ، هیئت مجموعه کمزی در ؟ یوقسه اتحاد

ومشروطیت پره نیسپلرینی استحقاقله میدانده

کتبردکلری دورت سنه لک سوء اداره یی دوش

مسئولیته آلان وشرکت انحصاریه نامیه سزدن

آیریلان ذوات می در ؟

۲ — سز ، ای معصوم وطنداشلر ،

جنایتلر ، احتراصلر ، خطالرایله دولو اولان

بودرت سنه لک مساوی اداره ایله اتحاد و ترقی نک

شانی ماضیسی یکسان می کوریورسکز وشو

دورت سنه لک اداره مشومه ایله افتخار

ایلیوری سکز ؟

استرحام ایدرز : بو سؤللره جواب

ویرمزدن اول براز فضله دوشونیکز . شو

دورت سنه لک اداره یی « حسه لله » بی طرفانه

برباقشله کوزا کندن کچریکز ، بو منظره لک

خطوط اساسیه سی محاکمه مسندلری اولارق .

آله الیکز . عجبا بودرت سنه لک طرز اداره یی

تشکیل ایدن خطوط اساسیه ندر ؟ مع التأسف

بزبونی یه تکرار اضطرارنده یز . زیرا بو خطوط

اساسیه یی اتحاد و ترقی نک مدار افتخاری

عد اتمک ، اونی اولدیرمک دیمکدر . ناصل

اولورکه هر فرد ذی ادعایک قبول ایتیمک

مجبوریستی حس ایده جکی بر مجموعه خطیئات ،

مملکتی اداره یی مدعور پروغرامه مالک بفرقه نک

مدار افتخاری اولسون ؟

شو خطوط اساسیه یی بر کره کوزدن کچیرم :

۱ — طرفکیلرکی بر مسلک حالنه

کتیروب بالجه مأموریتلری اهلیت قیدی

خارجنده توزیع ،

۲ — بر برینه ضد فکرلره اداره سیاسته

تأخیر افنامیه

چتینه ۵ اگستوس (کیکه شدر) — رسمی استخباراتدن آ کلاشدیقن کوره دون صباح عثمانلیر قره طاغ حدودنده حرکات جدیدده بولنشلردر . قره طاغ حکومتی حدودده جنرال ووقوطیچی اعزام ایدمه لک مورالیه حادثات مماثله لک عدم تکرری ضمننده عثمانلی حدود مأمورلری ایله ملاقی اولمشدر . عثمانلی عسکری قورردون مأمورینی (ولیقا) جهشتدن قره طاغ اراضیسی اوزربنه هجوملرده بولونشلر ایدمه سربعا بوسکور تیاشلردر .

چتینه ۵ اگستوس — حکومت عثمانیه لک چتینه سفیری احمد رسم بک دور حدود وقایع اخیریه سی حقنده قره طاغ حکومتی نزدنده شفاهاً شکایاتده بولونش ، بوکون ایسه بر نوبله ویرمه لک ۲۴ ساعت ظرفنده ترضیه ویرسانی طلب ایشدر . عکس تقدیرده چتینه دن حرکتله مناسبات دیپلوماسیه لک منقطع اوله جفی تهدید مقامنده بیان ایشدر .

حکمت

استخبارات اخیرمه کوره حکومت نوبله ویرمه یوب تشیئات دوستانه ده بولونمشدر .

صلح حقنده

پارس ۶ اگستوس — رومادن تان غزته سنه یازلیغنه کوره عثمانلی - ایتالیان هرخصلری آره سنده مذا کره جریان ایتش ایدمه ایتالیانلر بنگازی یی ترکه راضی اولماقلا قورلدن نتیجه لشمشدر .

ایتالیاده صلح مشکوک عد ومحاربه لک یکی بر صفحه کیردیکی ظن اولونیور . قومیتلک صرکی

پارس ، کذا — تان غزته سی اتحاد و ترقی قومیتیه سی حاکمیتک نهایت بولدن فکرنده در . بلغار تحشیقاتی

برلین ، کذا — « غازه دو ووس » ه صوفیه دن یازلیغنه کوره بلغار حکومتی آتی صنف پیاده ، اون صنف طویچی و آتی صنف استحکام عسکری اوچ آتی ایچون سلاح آلتنه آلمشدر .

موسو پواتقاره ومحاربه

لوندرد ، کذا — موسو پواتقاره لک پترسبورغنده عثمانلی - ایتالیا محاربه سی حقنده بر صورت حل بولاجنی ظن ایدله یوز .

لوندرد مطبوعاتی

لوندرد ، کذا — انگلیز مطبوعاتی مجلسک فسخی اوزربنه وضعیتک ایشدیکی عثمانلی حکومتک کوستردیکی منالک اعتقاد بخش اولدیفنی یازبیور .

انظار سنه

قطعی بر اعتراف

[بوتون منسوبین اتحادی اخوت ملییه دعودت]

ارکان اتحاد ، صایدقلمری راه سقیم ومشومده اصرار ایتدیکه ، چوق وطنداشلرمن طرفندن « خطا » عنوانیه تهوین ایدیلان خط حرکتلری آرتق باشقا براسمه یاد ایدلمک باشلا . نه جق وحصوله کله جک « ملتجه اتمام » دن آرتق بالضروره عموم اتحادجیلره بر حصه چیقا . ریلجقدر . ظن ایتیم که بو ، عموم اتحادجیلرجه

صوک صولت

برخطابه تجاوز آمیز

جاوید بک ، مجلس معطلده صوک صولتی کوستردی . درغریسی یا ، جسارتک به درجه سنه حیران قالمق ممکن اولماز .

تاریخنده نادر کوریه لک برصورتده بیک دورلومساوی به دوشمکه متهم بر آدمک ، قوجه برملتی بودرجه لرده استخفاف ایتیمسی جدأ حیرتله سزادر .

سیونستارک صمیمی بر متقی واک پارلاق آلت وواسطه سی اولمقه مظنون جاوید بک برنده دیگر بریسی اولسایدی ، آتی ماه مقدم ، تایمس غزته سی مقاله لرندن برنده یازیلان شو سوزلری کوریر وایشی نه درجه لرده ایلری کورتوردیکی آکلارده ، حجابندن دکلمده ، غفلتک بویوککندن تیتردی . ایشته مقاله ده کی سوزلر :

« تورکیانک مقدراتی موسویرله شبه موسویرلک آئنده در . »

حقیقت بویدیجت مملکت بر آراق تمامیه اونلرک اینه دوشمشدی . اوت ، زواللی مملکتیزک مقدراتی سیونیستارک دست لیشنده قالمشدی .

یوز بیک کره حمد وثنا اولسون که بومقدرات ، وطنیروانک جوانمردانه همیتله ، اوکیلی آلردن قورناریلدی . حتی جاوید بک مجلس کرسیسنده کی فریادی ، بوقورتار بلیشک حصوله کتیردیکی بر کریه صدا ایدی .

مالیه مزک حساباتی اربابی طرفندن کوزدن کچیریلدیکی وقت ، آرتق جاوید بک سیونیستارله همدملرندن متشکل ناصل بر « اقتصادی حیدود چته سی » نک مرخصی اولدیفنی میدانه چیقاجق ایدمه اووقته قدر عکسکی ظن ایتک غفلتده قالاچق وطنداشلرمن اولاییلیر . بنابرین مجلس معطلده کی اوزون قونفرانسنک الک مهم نقطه لرینی تحلیل وبرشکل فنی ده تنقید ایده جکیز .

« مملکتیزده اون درت نیساندن بری دوام ایتدیکی حالده اداره عرفیه لک تأثیراتی کیسه حس ایتبور ، هرشی محور لاقنده جریان ایتکده دوام ایدیوردی . نه قدر سواقانلرده عسکر کوریوردیکز ، نه سواریلرک پیاده لک هر طرفی طواف ایلدکلرینی مشاهده ایدیوردیکز ، نه ده برچوق ارباب ناموسک اجتماعکی اولان قلوبلرک اوکنده ۳۰ - ۴۰ کشیک ترصد وقتیش وظیفه سی ایفا ایلدکلرینی . »

بیلیمیز که ذره قدر انصافی اولان بر وجدان ، شو سوزلری سویله بیلیرمی ؟ آرتق باشقا اسم بولمقدن عاجز قاله یغمزی شو تقوهاته جنت دیمکدن غیری چاره بولامیوروز .

اسکی اداره عرفیه لک تأثیراتی حس ایدیوردی ها ! انسان بوسوزلری اوقورکن کوزلربنه اینانمایه جنی کلیور .

سواقانلرده عسکر کوریوریورمش . زواللی ملت اوپله بر درجه ده آزیلش ، محرر و متفکرلر اوپله بر تهدید آلتنه آتیلش ایدی که استانبول ، جسیم بر مزارانی ، اهالی متحرک جنازه لری اکدیوریوردی . وطنی مزارانلده اولورله قارشی تقید ایچون عسکر دولاشدیرمق لزومی حبس ایدیه مزدی !

۳۲۵ سنه متادیا بو وطنک جسور ، یکیت ، کنج اولادندن بیکلرجه سی مقالرده ، محسارده ، زندانلرده ایکلندکلری ، دکزلرک دینده فرق ایلدکلری حالده مملکتده تأسیس مشروطیت ایتدکن صوکره « سزده عینی اصوله سالک اولارق ده شدتلی برصورتله طرناق سوکک ، دایق آتمق ، حبس ونفی ایلهمک ، پرویاغاندلرله شرف وناموسی لکه لهمک ، چته جیلره قلی ایتدیرمک کبی شکلرله ینه اوزواللی وطنک عوامل زندکیسی احیایه چالیشدیکیز .

« فقط بو هیئت حکومت امین اولسون که اتحاد و ترقینک ناموسکار اولان اولادلری اوپله ترصدلردن وقتیشلردن دکلدکه قورقه بقدر . »

بوکاهیچ کیسه نک شه سی یوقدر . یالکیز اتحاد و ترقی نک احتراصیرواوی اوغللرایله اونلرک آلت تحریک ایتک ایتدکلری آدملرک براز قورقاجنه وراحت دوراجنه ده شه یوقدر . اسکی اتحاد و ترقی ایله حالا بو کشمکشده مدخلی اولمایان اتحادجیلر ، هرمدیحه سزادر . لکن شرکت انحصاریه یه بوندن برپای چیقارمقده ملت معذوردر .

مظلوملری محافظه ایدن ، استبداده طوقات آتان اتحاد و ترقی باشقا ، اسکی استبدادی اونوداجق قدر استبداد کوسته رن ومظلوملری قهر ونفی ایدن شرکت ینه یاشقا شیلردر ، چونکه « الضدان لایحتمعان »

بو حقیقت اوقدر جلی درکه حاوید بکک حالاصمیمی اتحادجیلری قاندرمق امیدینی بسله دیکنه شاشماق قابل اولامیور .

مابعدی وار